

NË EMËR TË POPULLIT

GJYKATA THEMELORE NE PRIZREN – Departamenti i pergjithshem Penal, gjyqtari i vetem gjykues Fatmir Krasniqi me sekretaren juridike Fatime Bajraktari, në lëndën penale kundër të akuzuarit **G. H.** nga fsh.R. KK Prizren, dhe mbrojtësit të tij av.O. R. nga Prizreni, për shkak të veprës penale kanosje nga neni 185 par.2 të KP-së, sipas aktakuzes së Prokurorisë Themelore në Prizren PP.nr.2344/2018 të datës 08.09.2018, pas mbajtjes së seancës fillestare gjyqesore publike, në prezencën e Prokurorit Themelore në Prizren Beqe Shala, të akuzuarit, me datë **09.09.2018**, mori dhe shpalli publikisht këtë:

A K T G J Y K I M

I akuzuari **G. H.**, nga i ati S., e ëma S., e vajzërisë H., i lindur më datë *data e lindjes...* në fsh.R. KK Prizren, ku edhe tani jeton, i martuar baba i 4 femijeve, ka të kryer shkollën fillore, bujk, i gjendjes së mesme ekonomike, shqiptar, shtetas i Republikës së Kosovës,

Ë S H T Ë F A J T O R

Se me date 07.09.2018 rreth orës 12,00 min, në fsh.R., Komuna e Prizrenit, në shtëpinë e tij, seriozisht e kanosë personin tjetër me fjale, se do ta privojë nga jeta, me qëllim të frikesimit ose shkakut të ankthit, në atë mënyrë që për shkak të mosmarrëveshjes në mes të pandehurit dhe vajzës së tij-te demtuars E. H., në lidhje me martesën e sajë, i pandehuri e kanos të demtuarsen me fjalet “ në se nuk e nderpret kontaktin me B., keto fisheke do tju ndajnë bashkë me B. ose do të vras ty”, me ç’rast tek e demtuara shkakton frikë dhe ankth,

-kësodore kryen veprën penale të kanosjes nga neni 185 par.2 të KP-së.

Gjykata në bazë të nenit 7, 43, par.1 pika 1.3, 46, 73 të KP-se , si dhe nenit 365 të KP-se, të akuzuarit i shqipton:

D E N I M M E G J O B E

Në shumën prej **400 /katerqind/ Euro** në të cilën shumë të denimit të akuzuarit do të llogaritet edhe koha e kaluar në ndalim në stacionin policor në Prizren nga **dt.07.09.2018** e deri me **dt.09.09.2018**, i akuzuari është i obliguar shumën e denimit me gjobe të paguaj në afat prej 15 ditëve, pas plotefuqishmerisë të këtij aktgjykimi, nëse denimi me gjobe nuk ekzekutohet as me detyrim i njejtë do të zëvendësohet me denim burg duke llogaritur për çdo 20 Euro një ditë burg, rrespektivisht 19 ditë burgim.

I akuzuari obligohet që do të paguaj të gjitha shpenzimet të procedurës penale, në emër të shpenzimeve të paushalit gjyqësor shumën prej **30,00 euro**, në emër të

kompenzimit per viktimat e krimit shumen **prej 30 euro**, te gjitha keto ne afat prej 15 diteve, pas plotefuqishmeris se ketij aktgjykimi.

E demtuara E. G. H. nga fsh.R. KK Prizren, per realizimin e kerkeses pasuroro juridike, udhezohet ne kontest te rregullt civilo juridik.

A r s y e t i m

Prokuroria Themelore ne Prizren, kesaj gjykate i ka parashtruar aktakuzen me PP. nr.2344/2018 te dt.08.09.2018, kunder te akuzuarit G. H. nga fsh.R. KK Prizren, per shkak te vepres penale kanosje nga neni 185 par.2 te KP-es.

Gjykata ne shqyrtim kryesor ka vertetuar gjendjen e ketille faktike nga pranimi i fajesise nga ana e te akuzuarit i cili vullnetarisht e ka pranuar fajesin, per shkak te se ciles gjykata fare nuk ka administruar provat. Sipas detyres zyrtare gjykata nuk gjeti se ekziston ndonje prove e pa pranueshme, gjithashtu gjykata ne teresi ka verteuar se i akuzuari ka kuptuar natyren dhe pasojat e pranimit te fajesise per vepren penale e cila i vihete ne bare, e qe pranimi i fajesise eshte bere ne menyre vullnetare dhe pa kushtezime, duke u mbeshtetur ne fakte dhe prova materiale te cilat jane paraqitur ne aktakuze, per te cilat i akuzuari ka qene i njoftuar me te gjitha provat materiale. Gjykat ka ardhur ne perfundim, se pranimi i fajesise nga ana e te akuzuarit eshte bere ne pajtim me nenin 248 te KPPK-se, dhe faktet qe permban aktakuza, ne veprimet e te akuzuarit formohen te gjitha elementet e vepres penale kanosje nga neni 185 par.2 te KP-se, dhe per kete gjykata te akuzuarin e shpalli fajtor dhe i shqiptoi denimin me gjobe si te merituar, paraprakisht duke e vertetuar pergjegjesine e tije penalo-juridike.

Me rastin e caktimit te denimit ndaj te akuzuarit gjykata vleresoi te gjitha rrethanat ne kuptim te nenit 73 te KPPK-se te cilat ndikojne ne llojin dhe lartesine e denimit, duke mos e gjetur rrethanat posaqerisht renduese, e si rrethane lehtesuese eshte marre pranimi i fajesise nga ana e te akuzuarit, sjellja korrekte pas kryerjes se vepres penale, pendimi i thelle i tije, me pare i pagjykuar, cka nenkupton se nuk ka ardhur ndesh me rregullat pozitive ne kuptim te dispozitave te nenit 74, 75, e 76 gjykata morri per baze edhe faktin qe i akuzuari ka bashkepunuar me gjykatën, bashkepunimi i tije ka qene vullnetar ne hetimin dhe ndjekjen penale, ka pranuar fajesin dhe ka shprehur keqardhje per vepren e kryer penale dhe poashtu edhe ka pasur sjellje korrekte para gjykates, me te demtuaren premtion se do ta gjej gjuhen e pajtimin ngase eshte vajza e tije dhe te njejtën me nuk do ta shqetesojë asnjehere, eshte bujk, mbajtes i familjes 6 anetareshe, andaj gjykata i shqiptoi denimin me gjobe sepse konsideron se me me kete mase sanksionuese do te arrihet qellimi i denimit, duke menduar se denimi i shqiptuar i pergjigjet shkalles se pergjegjesise se tije dhe me kete denim do te arrihet qellimi i denimit qe ne te ardhmen te jete i kujdesshem dhe do te permbahet nga veprimet e tilla.

Vendimi mbi paushallin gjyqesor gjykata e bazoi ne kuptim te nenit 453 te KPPK-se.

Si u cek edhe më lartë u vendos si në shqiptim të këtij aktgjykimi.

Sekretare Juridike
Fatime Bajraktari

Gjyqtari
Fatmir Krasniqi

UDHËZIM JURIDIK: Kunder ketij aktgykimi pala e pakenaqr ka te drejte ankese ne afat prej 15 diteve nga dita e marrjes se te njejtës, Gjykates se Apelit ne Prishtine nepermjet te kesaj gjykate.